


烈祖成績

安積覺編次

卷十

伊 5  
742  
10



門伊5  
號742  
卷10



烈祖成績卷之十起慶長五年正月終其年七月

安積覺 編次

慶長五年庚子正月豐臣秀賴在大阪牙城神祖在西城列

侯群士登城賀正創業記家忠日記石卯餘史關原合戰誌二月七日神祖第八

子仙千代麻呂天時六歲源流綜貫是月世子近臣松平十三郎

在江戶有鼠巢其馬尾生子時人異之家忠日記石卯餘史安藝中納

言毛利輝元來于大阪饗神祖同心協力以輔秀賴松榮紀事

書一說曰輝元與神祖誓曰內府須治東方三十國我治西方三十國據毛利家記此安藝宰相秀元之語而太閤之

且他書所不載故不取神祖增封豐後木築六萬石於細川

忠興木築或作木附越前國府五萬石於堀尾吉晴木築六萬

烈祖成績

石關原合戰誌作五萬石今從細川家傳錄松榮紀事越府  
五萬石石卯餘史作六萬石今從合戰誌據餘史府城龍門  
寺城神祖聞會津中納言上杉景勝謀不軌使增田長盛大

谷吉繼問之二人對曰景勝豈有異圖悠悠之言恐不足信  
須趣之入覲乃以長盛之臣河村長門為使諭以神祖之意

石卯餘史曰神祖遣使會津諭之曰如賀大納言謝世利勝  
年尚少壯天下之事誰與商議卿宜蚤來京師輔佐幼君按  
去年神祖將伐利勝請和而罷不宜有此言合戰誌松榮  
紀事但云遣使詰之今從關原記大全

景勝曰往年太閤有命自越後移封會津以鎮壓東奧免入京師三年  
務使安輯管內且當時寢病須春夏之交疾瘳上途未幾會

津近境諸將馳使上變堀久太郎秀治之宰堀監物直政秀治  
左衛門督直政七郎五郎某子來自越後告景勝反謀神祖以

伊奈圖書為使詰問之景勝謝曰景勝在藩修舉國政而讒  
者構成無根之言願與讒者辨明不然不能入京師先是石

田三成潛與景勝合謀而欲東西舉兵夾擊神祖至是景勝  
廣道路修橋梁築城神刺原以為戰守之計創業記家忠日記關原記大全

石卯餘史關原合戰誌松榮紀事○松榮紀事曰三成欲與  
景勝東西舉兵夾擊神祖然秘計難通召寵臣渡邊宗庵密

謂之曰汝當犯法吾伴將殺汝然則來必請命吾許之汝須  
走會津依景勝景勝素識汝必厚遇之汝伺間告吾秘計宗

庵奉命故犯法免死走會津告三成秘策於景勝示反徒印  
章景勝從之銳志起兵神祖不知其謀以伊奈圖書為使促

景勝按去年景勝在伏見與三成定密計其蓄異圖既久不  
待使至明矣且諸書所不載故不取四家合考曰大沼郡北  
田鄉昔佐原十郎義連孫廣盛所居應永中廣盛子孫敗亡  
城地荒廢百六十餘年然其地形勢便于漕運西南五六里  
有神刺原廣野平行可聚大衆故築城于此四面各三月九  
八町發會津山道役夫日夜督責時人皆知其反謀

則阻我讀

卷一

二

日。麾下之士安藤九郎次基對馬守重信弟有憾於川井市介。獨至

市介家刺殺之。次基被創而死。四月七日。阿部伊豫守正勝

卒。給其子備中守正次父祿五千石為書院番頭。正次初稱善九郎進

叙從四位下。松平忠明叙從五位下。為下總守。安藤五左衛門重

信。木工助基能第二子。帶刀直次第。叙從五位下。為對馬守。家忠日記是月。神祖

使僧錄司承兌。承兌時住持相國寺中豐光寺。遺書景勝之宰直江山城守

兼續。勸景勝來京師。寬永系圖曰。兼續樋口與三右衛門子也。與三右衛門事景勝之母掌薪樵。

兼續有容色。景勝見而悅之。告其母名為侍童。甚有寵。及長

干預國政。景勝欲以為家老。舊臣取與同列。故不果。會老臣

直江大和守無子。景勝以兼續為其女婿。繼家。遂更令稱景

勝。在會津。領百二十萬石。給兼續三十萬石。關原亂。平景勝

削封。即兼續舊領之數也。按兼續非特長武事。粗涉文學。有詩傳于世。據羅山文集。文選五臣注。兼續所刊行也。五

月。兼續復書至。書辭悖慢。神祖大怒。復書載在諸書。今略之。五日。神祖

名諸侯大夫於西城。下令討景勝。徵兵阪東諸國。家忠日記。慶元記。關

原記大全。關原合戰誌。松榮紀事。諸書或係六月。據五月七日。生駒近世中村一氏等諫東征書。五日為是。今從細川家

傳錄。六日。神祖養保科正直之女為妹。嫁黑田長政。家忠日記。寬永系圖。

七日。生駒近世中村一氏。德善院玄以。增田長盛。長束正家。

上連名書。諫東征曰。嗣君尚幼。閣下赴東國。則諸侯皆以閣

下為遺棄嗣君。諸侯亦誰適從。雖直江山城答書無禮。而彼

邊鄙野人。不知交際之禮。不足深責。閣下且忍之。至明年春。

景勝不來。征之未晚也。不然。選將命師。自足辦之。何必親駕

之為。頻年凶歉。軍糧匱乏。願罷之。神祖不聽。關原合戰誌。係六月七日。今從

家忠日記關原記大全○家忠日記關原合戰誌石卯餘史皆載堀尾吉晴為六人按吉晴此時在越府城關原記大全無之為是八日召將佐於西城議軍事堀直政進曰白川至

會津有背炙勢至堂之險地勢甚陘隘宜為之備神祖作色

曰我提一槍敵亦一槍何險難之有議定乃發號令神祖世

子向白川伊達政宗向信夫佐竹義宣向中山道最上義光

南部信直秋田東太郎實季實季城介愛季子叙從五位下襲稱城介致仕號凍蛭東太郎

諸書作藤太郎誤向米澤前田利勝向津川口堀秀治村上周防守

義明義清孫越後本莊城主關原記大全作賴重今從關原合戰誌武家盛衰記溝口伯耆守秀

勝從之彦左衛門勝政子越後新發田城主諸書作宣勝據前車後語集宣勝秀勝之子而父子從軍秀勝是年卒

義明秀勝迭為前驅期以七月下旬齊攻會津年譜家忠日記與州

軍記關原記大全關原合戰誌松榮紀事○慶長軍記曰神祖名近習問輿人之誦米津清右衛門曰道路皆言無策而

出征神祖曰何故對曰五奉行輩志趣巨測台旆既東而大敵叢起則雖有智者不能善其後須收五奉行以下之質徵

發諸國大名遣援軍於伏見城守牢固然後東征可也今無所措置而大駕輒發宜世人之議之也神祖優容之附以備

考石田三成遣使請從東征曰儻不見許宜使賤息隼人執

役神祖報曰子今屏居不宜從軍宜使家臣輔隼人出兵十

五日神祖入牙城辭秀賴及大虞院關原記大全○按神祖東征不宜外秀賴母子

諸書不載其入辭今據大全書之上杉景勝聞神祖東征集將校議守禦之

術關原記大全詳載景勝及直江兼續問答之辭然及石田三成舉兵神祖班師不與景勝接戰事涉繁冗故略之

安田上總守白川城以島津解下齋為軍監東國太平記作月下齋率

騎兵一百銃手三百援白川城四家合考曰芋川縫殿介守白川城關原合戰誌曰縫殿

助率土寇侵蒲生秀行之地。今井源左衛門守猪苗代城。本

莊出羽守重長守福島城。出羽或作越前。蓋更稱也。甘糟備後守白石

城。隅田大炊。隅田諸書作須田。今從大全。橫田大學守梁川城。若松城形

勢絕勝。不復設備。四家合考。東國太平記曰。備後名清長。大炊名長義。未知是否。燒草籠

白阪民舍。剪伐竹木。白川至境。明神二里。闢為曠野。城外穿

塹樹柵。又集近村之民數千人。每五百三百置長。屯聚村里。

使誘越後出羽下野之民。待城主出兵。土寇蠶起。擾亂其後。

關原記六月三日。前田利勝所生芳春院。及村井豐後山崎

安房。自伏見至江戶。家忠日記曰。五月二十日。芳春院前田對馬守橫山山城守大田但馬守山崎

長門守等子發伏見。六月六日至江戶。關原合戰誌不係年。月而云。村井豐後從芳春院。自加賀至江戶。石卯餘史係去

年九月。松榮紀事係是年正月。皆誤。今從大全。○按去年冬。利勝之質至大阪。而關原記大全亦云。五月二十日發伏見。豈其後移之。伏見耶。未詳。十六日。神祖發大阪至伏見。以佐野肥後守綱

正留守大阪西城。年譜。創業記。家忠日記。石卯餘史。關原合戰誌。松榮紀事。○餘史曰。加藤清正伏

見。聞神祖東征。就山岡道阿彌上諫曰。公既為內大臣。不可輕出師。自將。須遣吾輩及細川。越中守福島左衛門大夫。加

藤左馬助黑田甲斐守池田三左衛門等討之。必能致勝。若猶深慮。宜命隣國諸將伊達最上南部等援之。萬一蹉跌。徐

進。大旆未晚也。神祖報曰。清正之策甚善。然吾生武門。不親將兵。非吾志也。清正智勇無比。留守京師。伏見無過此人。而

鎮西事體。亦甚重大。宜歸本藩。以勦山徒。清正奉命。乃謁秀賴。解纜而歸。按此時清正既在肥後。不在伏見。且其言與近

世一氏等書辭大約相似。或清正自肥後上書諫之乎。未詳。附以備考。酒井家次。酒井忠世。本

多忠政。其弟內記忠朝。後為出雲守。本多正純。本多康重。大久保

忠常。平巖親吉。奧平信昌。其子家昌。管沼忠七郎忠政。奧平信昌

第三子、養於菅沼小大膳正家、後復本宗、賜松平氏、見七年。大須賀忠政、松平家乘、小笠

原秀政、松平家清、内藤信成、本多康俊、石川康通、阿部正次、

其弟正吉、高力忠房、大久保忠佐、青山忠成、其子喜大夫忠

俊、後為伯耆守、更播磨守、戶田一西、其子氏鐵等從之、總三千餘人、從

將士、諸書有異同、今從關原合戰誌、藤堂高虎以其弟内匠助正高為質、神祖

嘉其先於諸將獻質、高虎行狀、以鳥居元忠、松平家忠、内藤家長、

松平近正、守伏見城、召四人曰、我今東征、景勝不日就戮、然

石田三成必投間而起、故選將帥、汝等固守此城、勿惰警備、

彦右衛門須守牙城、彌二右衛門守松丸、主殿五左衛門守

三丸、乃授鳥銃二百口於家忠、近正、成兵皆還大阪、唯若狹

少將勝俊在西城如故、家忠日記、石卯餘史、關原合戰誌、若

子、若州小濱城主、○松榮紀事載、神祖之命曰、如有變、宜以

若狹少將松丸之兵為援、按勝俊素在西城、不在松丸、紀事

誤矣、今從關原記大全、十八日、神祖出伏見城、至大津城、京極高次饗

之、神祖賜吉光短刀、召其家臣、賜物有差、是日至石部驛、水

口城主長束正家與子兵部少輔來請、翊旦饗之、神祖約過

其城、勢州郡代篠山理兵衛夜謁旅館、密告正家有異圖、神

祖初更急出石部、夜過水口、遣使告有事急發、不能過其城、

○關原記大全曰、以大塚平右衛門為使、關原合戰誌曰、渡

邊、忠右衛門守綱、未知孰是、故但云遣使、石卯餘史曰、神祖

急發、從者不之覺、唯渡邊忠右衛門一人從、駕神祖怪問之、

對曰、臣久在麾下、頗知機變、慮今夜或急發、故靠駕不眠、得

以備急、神祖褒之、正家大驚、十九日來謁土山驛、以不饗為遺憾、神

祖接遇款曲。賜國光短刀。謝遣之。

家忠日記、德川記、關原合戰誌、雜錄、篠山、理兵衛事

記○關原記大全載一說曰、三成聞神祖經、森山、出美濃路、將使島左近、桎原彦右衛門、杉口喜助、選弓銃、良手、伏于多賀山、既而聞經、伊勢路、其謀遂寢、石卯餘史亦同此說、大全辨之曰、三成與景勝合謀、欲東西夾擊神祖、不宜作此危殆之謀、然亦不可謂必無此事、故附于此。

從駕將士。織田有樂。其子河內守長孝。

福島正則。其子刑部少輔正之。弟掃部頭正賴。池田輝政。其子新藏利隆。

後為武藏守。

弟長吉。細川忠興。其子與一郎忠隆。

隆之妻、前田利家之女也。七月忠興夫人死、節而忠隆之妻不能死、歸加賀、忠興怒、忠隆不能絕婚、故廢之、判髮寓京師、號休。

與五郎興秋。弟玄蕃頭興元。

初稱頓五郎。

京極丹後守高知。

高吉第二子。筒井定次。淺野幸長。田中吉政。其子民部少輔長

顯。諸書作忠政、按十四年吉政卒、台德公賜諱字、更忠政、此時未更名也、後為筑後守。堀尾忠氏。山

內一豐。有馬法印。其子女蕃頭豐氏。中村彦左衛門一榮。

式部

少輔一氏弟。藤堂高虎。其子宮內少輔高吉。加藤嘉明。黑田長政。

生駒主殿頭一正。雅樂頭近世子、後任讚岐守。寺澤廣高。富田知治。堀田

一繼。古田兵部少輔重恒。稻葉道通。山名禪高。

中務大輔豐國、剃髮號禪

高、彈正少弼致豐孫、九郎宮部兵部少輔。善祥坊祐全子、關

宮內、今從關原記大全、合戰誌又曰、名長房、未知是否。金森素玄。其子出羽守可重。德

永法印壽昌。其子左馬助量昌。

昌重、武家叙任、作景重、未知

孰。九鬼長門守守隆。

大隅守嘉隆子。

分部左京亮光嘉。古田織部正

重然。諸書或作重能、花押重勝、又有花押作重然者、與駿府記合、今從之。小出遠江守秀家。

大和守一柳監物直盛。伊豆守直末弟、初稱四郎右衛門、領尾州黑田三萬石。市橋下



江川八左衛門刺

總守長勝桑山相模守元晴修理亮重晴第二子後更伊賀守

龜井武藏守

茲矩初稱湯新十郎石河伊豆守貞政石川玄蕃頭康長伯耆守數正子○或

作數重今從石卯餘史諸士傳略舟越五郎右衛門景直佐佐淡路守佐佐

喜三郎長成池田備後守其子彌右衛門天野周防守雄光

佐藤駿河守堅忠關原記大全作參河守堅忠或作正清今從松榮紀事佐久間河內

守政實與六郎正明子三好為三三好新右衛門關原記大全以為三新右衛門為

一人據寬永系圖為三法名也名一任因幡守政勝子為伯父政康入道釣竿齋養子津田長門守高

勝或作信成據津田系圖織田刑部大輔某第三子隼人正信勝弟初稱二郎右衛門及信長公開霸府織田疏屬

皆更津田氏津田小平次正秀神保長三郎相茂水野河內守守

信或作重弘未知孰是秋山右近中川半左衛門忠勝丹羽勘介氏

信勘介氏次子鈴木越中守重愛赤井五郎作忠泰岡田助左衛

門大島雲八光義平野九左衛門兼松又四郎正吉長谷川

甚兵衛重成森宗兵衛柘植平右衛門正俊別所孫二郎村

越兵庫頭山岡道阿彌奧平藤兵衛貞治美作守貞能弟河村助右

衛門山城宮内少輔本多若狹守本多因幡守利朝因幡守利久子

初稱半右衛門叙從五位下襲稱因幡守落合新八中村又藏能勢宗左衛門清

水小八郎佐久間久右衛門安政其弟源六勝之安政久右衛門盛次

第二子玄蕃允盛政弟後任備前守勝之盛次第四子任大膳亮○諸書此下載祖父江法齋據關原記大全法齋此時

仕福島正則未隸麾下故今刪之溝口源太郎堀田權八戶川達安宇喜多

孝親達安孝親以下與宇喜多秀家相訖付德善院玄以在上文四年十月至是請從東征神祖許之遂為麾下之

臣野間久左衛門伊丹兵庫頭正親入道意頓號意頓據關原記大全

松倉豐後守重正野尻彦太郎仙石少貳山岡修理岡田勝

五郎善同箸尾半左衛門岡江雪施藥院等先後相繼而至

凡五萬五千八百餘人關原軍記曰五萬八千七百餘騎石

人今從家忠日記與州軍記德川記慶元二十日至四日市

場其夜舟而至參州篠島或作佐佐島國音相同岡崎城主田中吉政

饗之水野忠重出川屋城來謁二十一日至吉田城城主池

田輝政饗之二十三日亭午至濱松城城主堀尾忠氏饗之

父吉晴自越府來謁請從駕神祖使之歸越府以伺石田三

成之動靜二十四日亭午至佐夜中山懸川城主山内一豐

饗之其夜至島田先是駿府城主中村一氏遣使大阪告疾

劇不能從軍嗣子一學尚幼願使弟彦左衛門從駕按五月七日

一氏與生駒近世等連名諫東征其後諸書不見就藩或以書牒定議乎未詳神祖疑其詐頗有戒

心二十五日至駿府一氏卧病在牙城故整頓第二城饗於

其臣横田内膳宗治之家一氏輿疾而來以不能從駕為憾

神祖見其羸憊意釋憫之賜長光刀於一氏從其所請使弟

一榮將兵從東征二十六日至沼津三枚橋城主中村一榮

饗之賜信國短刀世子使大久保忠鄰本多正信來迎二十

七日至小田原二十八日至藤澤翊日遊鎌倉歷覽古跡留

金澤一日詣鶴岡八幡宮命修葺七月二日至江戸城家忠日記

德川記、關原記大全、關未幾。中村一氏訃至。神祖使其子一學襲封。賜書一榮及橫田宗治輔之。一學長而名忠一。關原

全七日。神祖下號令十三章。定軍列。禁劫略。家忠日記、德川

松榮紀事。○松榮紀事曰、相傳神祖大小百餘戰、未嘗出法令、其出軍令、唯攻小田原與此戰耳、今按永祿十二年攻懸川城、禁軍士剽掠、止令三章、如攻小田原、軍令則十三章、而其綱領大率相似、但關原記大全以此軍令為十五章、稍與諸書異。又令諸軍曰、諸將宜屯白川、佐久山、蘆野、大田原、待本

軍到、刻期進攻會津。松榮紀事神祖既東、石田三成以為吾計得

行、乃往大阪、謁秀賴及大虞院。是日三成與備前中納言秀

家安藝中納言輝元、德善院玄以、增田長盛、長束正家連名、

誣神祖之罪十三條。作書以示諸侯大夫。關原記大全、關原

○德川記曰、三成作彈文、會諸侯大夫於千疊鋪、讀之。彈文載在合戰誌餘史、相傳使橫濱民部少輔讀之。家忠日記慶

元記、大成等書、竝無其事。蓋後人偽作也。故不取。松榮紀事曰、三成馳書群國、勸諸將反計。然其事深秘、世無知者。蓋指此連名書也。書辭載在上三書、今略之。又按此時秀家、輝元未來大阪、豈書牒往來、議定其事乎。無所考據。越前

敦賀城主大谷吉繼、將從東征。率其子大學助吉久甥木下

山城守賴繼等。吉久賴繼兄也、吉繼無子、故養甥為子。兵一千餘人。出伏見至

垂井驛。石田三成遣其宰檉原彦右衛門要之。○關原大全

作柏原誤吉繼見彦右衛門、問其故。彦右衛門對以三成舉兵。吉

繼曰、內府雖執政有私、而必不至廢嗣君。今景勝與同僚合

謀、使內府赴關東。可謂良圖。然事之成否、非所豫料。何則三

成雖有才、而世惡之者甚多。此三成所自取也。今舉大事、欲

爲人上則衆心必不悅服矣。宜以秀家輝元爲主將。與景勝定議。東西夾擊。則可得志。儻不能然。則雖數月之間。景勝牽制內府。而關西之軍不能輯睦。內府反旆西上。則事甚危矣。宜以此言諫。三成我亦繼往。子宜先歸。既而吉繼父子過佐

和山城。三成喜而饗之。

○關原合戰誌曰。吉繼欲說神祖與景勝講和。以弭兵革。故赴關東。三成

聞之。遣彥右衛門。要之於路。枉過佐和山。石卯餘史亦云。要之於路。吉繼不得已。過佐和山。家忠日記。松榮紀事皆云。吉繼發敦賀。赴佐和山。今從關原記。大全。又按家忠日記。云。七月二日。至垂井。慶長記。作十一日。大全不日。未知孰是。家忠日記。松榮紀事。並云。吉繼至佐和山。謂三成曰。去年子爲諸將所惡。殆將不免。賴內府之庇護。幸得無事。背恩不祥。宜從內府。竭力攻戰。吾欲與子同行。故枉路過此。三成掉頭耳語曰。吾欲通謀于毛利輝元。使居大阪城。則關西皆吾黨。與也。率關西之大兵。從後擊之。則內府雖雄武。豈得敵之。今內府東征。

是吾得志之秋也。子與吾有舊。胡爲舍吾而東乎。吉繼曰。生今之世。有誰敢敵內府者哉。且子志思爲讐。不義之甚。豈能得志。言甚切至。三成曰。吾計既決。不容疑議。吉繼悵快出城。既而以爲吾與彼比肩事。太閤彼以密謀告吾。臨危棄之。誠所不忍。乃留于垂井三日。遣平塚因幡守於佐和山。苦諫之。三成不聽。吉繼又至佐和山。黨于三成。大喜。按神祖爲弼。弼將之兵。強使三成致仕。三成必以爲怨。而不以爲恩。吉繼能知當時之事勢。亦必不發背恩不祥。志思爲讐等語。疑非事實。吉繼問其方略。三成曰。西國有毛利一門。島津兵庫頭。小西攝津守。其餘豪傑。來集大阪。在近。信濃有真田安房守。雖非大家。而勇武絕倫。且與內府有怨隙。常陸有佐竹。下野有多賀谷。至於相馬。秋田諸將。皆與景勝通謀。方內府交兵之日。關西諸侯。建旗宮根。與東國諸侯。三面入攻。則可一舉而定。江戶矣。吉繼流涕曰。今天下無事。無故擾之。而竟落

人手誠可悲也。子之所言皆非勝算。譬如奕棋然。先有成算。以為我能如此。彼必如此。然後吾能制勝。此中人之奕也。若逢國手。則爭道下子。必出意料之外。今舉大事。有五不可。內府既班五老之上。威權日重。天下諸侯皆欲攀附而跋慕之。子或領五十萬石。猶之可也。國小位卑。人不歸嚮。一也。今天下治大國者。在輝元與內府。而內府治關東八州。其餘諸州。多大莊園。天下無復其比。而人望所歸。皆在內府。二也。內府自壯年數與甲斐駿河之敵戰。老練兵機。長湫一戰。義勇彰聞。在今之世。誰能敵之。三也。昔信長公好士。每書諸家名士。擇其善者畫之。方其時。內府僅領參河一州。而下畫者十九

人皆為知名之士。今又不知其幾。世人所稱。井伊本多榭原。酒井大久保平巖。大須賀鳥居之徒是也。子能得有如是輩乎。四也。凡念子孫人之常情。內府部下之士。有死者。則在襁褓必世祿。故人親之如父母。今諸侯誰能有此仁心乎。五也。此五者人皆所難。而內府兼之。其不可敵明矣。三成曰不然。兵無常勢。變化不可測。今東西大軍皆一其心。以擊內府。蔑不勝矣。吉繼曰。子之所料皆非也。為謀在事先。○石卯餘史亦載吉繼問答之語。與此稍異。今從關原合戰誌。蚤知子之此謀。則內府發伏見。伏兵近江。伊勢之間。吾稱送內府至水口。與長束正家合兵。前後夾擊。則取勝必矣。今既得歸江戶。此放虎千里之野也。舉事必不

能成。然勢既至此。無如之何。吾欲與子同死耳。關原記大全。松榮紀事。

大全載一說曰。吉繼謂三成曰。吾有廢疾。既不能軍。今欲使山城大學將兵。吾往關東。謁內府。伺間交刃而死。以致效耳。

三成不聽曰。今舉大事。不宜輕遽。吉繼不得已。遂輟。自是專為三成謀主。更名曰吉隆。

武家盛衰記曰。太閤賜諱字名。吉繼至此。以下與三好義繼同音。為不祥。故更名。今按二本。松城主畠山右京亮義繼亦同時人。而不令終。不特以三好義繼之故。更名也。

安藝中納言輝元在廣島。遣吉川廣家及安國寺僧惠瓊於東國從神祖。惠瓊。禪僧。字瑞甫。東福寺西堂。居退耕庵。

好武有才。辨輝元親信之。住持藝州安國寺。勢將諸侯。廣家留于大阪。遣惠瓊於佐和

山。訊三成之消息。三成吉隆謂惠瓊曰。內府殄滅景勝。則勢

益彊大。嗣君得天下甚難。今東征諸將多內應者。欲飛檄以

招之。子亦宜歸藝州。勸右馬頭入鎮大阪城。如此則內府失

勢。而天下悉歸嗣君矣。惠瓊歸大阪。告輝元。養子參議秀元。秀元不聽。惠瓊縱史之曰。天下大權歸于毛利家。正在此時。機不可失。即遣使廣島招輝元。輝元將兵四萬餘人發廣島。

松榮紀事。慶長記。四萬作五萬。曰。十九日輝元發廣島。關原合戰誌曰。九日發廣島。二十三日到大阪。據諸書。輝元到

大阪。與三成議軍事。皆在其前。故不係日。備前中納言宇喜多秀家發岡山。秀家

山。及到大阪。諸書皆無所見。唯關原記。石田三成將兵三千

五百。發佐和山。至大阪。家忠日記。關原合戰誌。松榮紀事。兵

三成發大阪。按此時神祖猶在大阪。餘史誤。故不日。大谷吉隆率吉久賴繼等出佐和山還敦賀。松榮紀事曰。吉隆與三成至大阪。按吉隆出自三敦賀。經略北國。紀事誤矣。今據關原記大全。

成與增田長盛。長東正家。僧惠瓊議推毛利輝元為盟主。關

原合戰誌曰輝元班五老之末至是時請字喜多秀家使輝元班其上檄畿内西海諸將帥兵

會于大阪金吾中納言豐臣秀秋參議毛利秀元久留米侍

從毛利秀包羽柴藤四郎秀包是時未復本島津義弘入道

惟新關原之戰諸書皆書島津義弘按義弘祝髮稱惟新故

其子忠恒及姪中務少輔豐久鍋島信濃守勝茂加賀

子小西行長曾我部宮内少輔盛親土佐守高橋右近將

監元種相良宮内少輔長每左衛門尉秋月三郎種長筑前

實子為高橋主膳正長行伊藤民部大輔祐兵左京亮義益

後守筑紫上野介廣門少貳妙慧之裔毛利民部少輔高正高

田河内守藤懸參河守永勝生駒修理亮諸書此下載生駒

一正從神祖東征蓋其父雅服部土佐守橫濱民部少輔奧

山雅樂助多賀出雲守杉若主殿頭谷出羽守衡好諸書衡

訛細川家傳錄山崎右京亮赤松上總介則房兵部少輔河

尻肥後守木下左京亮脇阪安治堅田兵部少輔等相踵至

大阪號九萬三千七百餘人關原記大全曰九萬餘人蓋舉大

數也今從創業記家忠日記奧州軍記德川記石卯餘史細

川家傳錄關原合戰誌○諸書載宗對馬守義智五島大和

守純玄松浦法印鎮信有馬修理大夫晴信竹中伊豆守重

信據關原記大全五人皆承大阪之檄而未嘗身到大阪事

在下文九月豐臣秀秋以為吾嘗為太閤之養子於分為嗣

君之兄征討大將非吾而誰今石田三成假嗣君之命驅使

吾曹不異諸將此非翊戴公室欲張威福以逞志也推其意

不奪天下不饜。故歸心於神祖。三成詞知之。然以其為故君之養子。不能殺之。乃與增田長盛僧惠瓊議。以計誘之。秀秋

從之。關原合戰誌。石卯餘史。○家忠日記。松榮紀事。並曰。三成與長盛惠瓊謀。誘秀秋曰。待嗣君至十五歲。假天下

兵馬之權於郎君。秀秋悅而從之。按此秀秋屯松尾山。十四

三成致書。啗利之語。而非此時事。二書誤矣。故不取。日。三成遣使大津。徵質於參議京極高次。高次不聽。三成怒

欲攻之。○新慶長記曰。毛利秀元兵三萬。為追手大將。宇喜

隆之議。輟不行。按吉隆不在大阪。注下文。且諸書所不載。故

不取。石卯餘史亦載。毛利元康立花宗茂等帥三萬餘兵。攻

大津城。此高次還自北國。據城起。或曰。高次嗣君之外戚。○

兵之時。而非此時事。餘史誤矣。次妻淀殿妹。故云然。石卯餘史。松榮紀事。並以此事為大。不

可粹攻。遣朽木河內守元綱說之曰。元綱宮內少輔定綱子。初事將軍義昭。公著勇。

名。關原亂平歸陣。後剃髮號牧齋。卿與嗣君最親。何黨于內府。而不送任子。

高次曰。今為嗣君舉事。則吾必從之。此不過三成欲假嗣君

之威以濟私耳。吾何為變志而與不義輩耶。三成來攻。則吾

枕城而死耳。其臣諫曰。壘壁未固。難拒大敵。不如佯與之和。

乘機而發。高次從之。以其子熊若為質。家忠日記。德川記。關

原合戰誌。松榮紀事。熊若長而名忠高。為若狹守。三成徵發桑名城。主氏家內膳正

行廣。常陸介。人道士。全第二子。兄左京亮蚤死。行廣謂其使

曰。太閤既薨。秀賴公尚幼。縱內府政有偏頗。而不可妄動干

戈。今無故興兵。似為濟己所欲。故吾不能以內府為敵。然以

擁戴為名。則不可拒。而密通款于關東。為市井之行。則誓不



能為也。故今不從徵發。據守城堡。時至則為秀賴公盡忠效力。是吾志也。神祖傳聞其言。使本多忠勝誘之歸順。忠勝遣使勸之。行廣曰。吾被太閤之眷遇。造次不能忘幼君。使若再來。必將戮之。竟與弟志摩守寺西備中守據城自守。關原記大全宇喜多秀家與諸將議曰。今聚數萬之兵於大阪。而坐待敵至。非計也。吾料內府之策有三。不能進攻會津。則必引還江戶。或反旆西上。不出三者之外矣。我越境出師。張其聲勢。則先人有奪人之氣。可以得志。眾皆稱善。乃約毛利輝元。增田長盛。在大阪護秀家。三成。長束正家與諸將屯美濃尾張。若內府西上。則輝元率所在大阪之諸將。急發大阪。秀家

輝元指揮十三萬餘之大軍。以決一戰。議定。三成勸輝元移居西城。遣使使佐野綱正避去。綱正不能拒。出西城。入伏見城。毛利秀元率僧惠瓊。吉川廣家。宍戶備前守等二萬餘人向濃州。秀家謂三成曰。先屠伏見城。梟鳥居內藤之首。然後出屯濃州。鄉須歸藩。經略四方。三成從之。留二千餘兵於大阪。以為攻城之援。還佐和山。關原記大全至大津城。謁高次曰。輝元秀家以明公為北國大將。此貴藩興隆之兆也。高次饗之。其臣安養寺聞齋。初事淺井長政。見元龜元年姊川之戰。謂重臣黑田伊豫曰。三成舉兵。必不能成。今幸來此。執之一夫力也。吾能辦之。伊豫不聽。聞齋說山田三左衛門赤尾伊豆以此。據淺井軍記。伊豆淺井亮

政之將美作清綱子初稱新介三人同辭曰。今執之。輝元必遣大軍來攻。佐

和山去此不遠。前後受敵。此危道也。聞齋曰。不然。關西諸將

脅於三成。蒲伏聽命。今執渠魁。則諸將波駭。群疑蠶起。輝元

惶惑。計無所出。我亟遣一介。報之關東。內府大旆。鼓行而西。

則平蕩支黨。可翹足而待矣。伊豫等終不能用。論辯之間。三

成辭去。還佐和山。聞齋甚憤惋。三成至大津。石卯餘史係七月十七日。關原合戰誌八月

四日。未知孰是。關原記大全不日。今從之。先是岐阜中納言秀信。欲從神祖東征。

下令戒嚴。部兵皆習華靡。務欲鎧冑鮮麗。軍裝不能亟辦。石

田三成以川瀨左馬助為使。勸之舉兵。秀信召其宰百百越

前守安行。木造左衛門佐壹忠議之。越前守名。據百百系圖。左衛門佐名。據關原記。

大全所載手書壹忠固諫拒之。秀信從焉。既而密召嬖臣入江左近。

伊達平左衛門高橋一德齋。問其可否。皆同辭使黨於三成。

秀信然之。自作書報三成。左馬助冒夜還佐和山。翊日秀信

召宰臣曰。吾計已決。不得復上諫。宰臣皆默。初秀信幼時。豐

臣秀吉使德善院玄以輔導之。故宰臣請決去。就於玄以安

行壹忠馳至京師告之。玄以大驚曰。安得聞此亡國之言。宜

亟決計以從東征。二人立歸。秀信為定軍議。出赴佐和山。二

人不之知也。星夜馳歸。三成使人要之。中路曰。黃門君在佐

和山。二子須來于此。二人驚訝。過佐和山。三成厚賂之。二人

從秀信還岐阜。備陳玄以之言。秀信不聽。飯沼十左衛門曰。

君侯既赴佐和山。其勢不得輒從東征。不如託言軍議。召三成於城中殺之。傳首關東。則可以償往佐和山之過。而建不世之功。其殺三成。請臣一人敢當之。苦諫再三。秀信固信。左近平左衛門等之言。終不能用。宰臣不得已。遂定城守之計。

關原記大全。關原合戰誌。石卯餘史。百百系圖。加藤清正在肥後熊本城。黑田如水

在豐前中津城。皆不應三成而屬神祖。松榮紀事。○本書曰。蜂須賀家政在大阪。

其子至鎮將從東征。增田長盛遣使請責之。至鎮曰。吾豈賤嗣君哉。然不可受汝等指麾。輒率五千餘兵入海畔宅。為拒守之計。長盛等請和。至鎮徑歸阿波。據諸士傳。略文祿二年。秀吉以至鎮叙從五位下。任長門守。時八歲。是年家政致仕。剃髮。至鎮受封。時十五歲。英敏之士。雖或有此舉措。而諸書所不載。頗非無疑。故不取。增田長盛遣使

伏見城曰。備前中納言將率大軍攻城。其期在近。寡兵不可

以敵眾。吾以與內府交親。故曉譬以開生路。可速致城退去。

松榮紀事曰。三成。長盛遣使云云。按此。鳥居元忠。松平家忠。時三成在佐和山城。今從關原記大全。

內藤家長。松平近正。應之曰。縱吾輩怯懦。棄城東走。足下切

思內府之眷遇。則當策勵吾輩以死固守。而反使避去。殆非

所望也。內府雖家多勇士。而特擇吾輩四人以守之。使百萬

之兵。席卷而來。決不避去。孤城無援。請速來攻。以試吾輩之

勇。使若再來。必斬其首以徇軍矣。元忠燒城下人家。嚴為守

備。謂諸將曰。西兵來攻。各守其所。不互相救。必死決戰。飲宴

誓之。關原記大全。關原合戰誌。石卯餘史。松榮紀事。十五日。宇喜多秀家攻伏見城。

關原合戰誌作十九日。今從家忠日記。德川記。慶元記。關原記大全。秀家及長束正家攻城東。

島津惟新其子忠恒鍋島勝茂攻城西野村肥後守真隆其子兵庫頭真俊松浦伊豫守攻城北毛利輝元石田三成部兵攻西北豐臣秀秋垣見家純熊谷直陳攻東北其餘增田長盛部兵及大阪弓銃隊將十餘人鎮西將士總三萬九千餘人三面圍城闕其南諸書不舉兵數關原軍記曰三萬六千騎今從關原記大全○關原合戰誌曰秀家及長盛正家部兵攻城東秀秋及毛利豐前守勝永攻東北野村真隆父子鍋島勝茂長曾我部盛親等攻城北毛利七郎兵衛元康毛利秀包吉川廣家等攻西北島津義弘父子攻城西與之稍異今從大全又按石卯餘史曰勝茂義弘在大阪與毛利輝元護秀賴毛利輝元長束正家在據諸書二人實攻伏見城餘史誤矣毛利輝元長束正家在大阪守衛秀賴先是豐臣秀秋將兵出筑前至豐前小倉其宰平岡石見守賴勝之妻據關原合戰誌賴勝初稱牛右衛門黑田如水之姪

女也故如水密遣使小倉謂賴勝曰石田三成等舉兵京畿託名擁戴實逞私謀宜諫中納言歸順賴勝諾秀秋從之如水遣使關東告之神祖關原記大全至是秀秋密遣其宰稻葉内匠頭正成於城中○正成林宗兵衛正三子初稱八右衛門出繼稻葉兵庫頭重通稱稻葉内匠頭後更佐渡守其妻齋藤内藏助利三之女春日局是也關原記大全曰秀秋卒後正成爲僞人流寓及猷廟生妻爲乳母其子丹後守正勝執政爲小田原城主賴勝及秀秋領備前美作給二萬石爲備前兒島城主未幾忤秀秋之旨屏居神祖名之給濃州謂諸將曰請送高臺院秀吉公夫人杉原氏及父木下肥後守爲質吾亦入城禦敵島津惟新再三通款城中請入同守鳥居元忠疑其詐不許秀秋惟新不得已攻城木下勝俊秀秋之兄也性素怯懦諸將疑與秀秋通謀忌之勝俊不自

安時高臺院在京師三本木第勝俊託護之出城逸去還小

濱城亂平神祖奪其封而放之家忠日記關原合戰誌松榮紀事勝俊封除間居洛東靈

山號長嘯子晚年移居大原野勝持寺北山號天哉翁以善倭歌著名有舉白集行于世元忠與諸將議

定守禦之方略元忠守牙城內藤家長守西城松平家忠守

正門松平近正甲賀佐左衛門守名越丸名越或作名古屋國音相同按關

原合戰誌曰佐左衛門山岡道阿彌季弟號甫庵束髮稱佐左衛門初道阿彌領騎兵十人卒一百人及從東征使佐左

隸麾下以阪部三十郎為隊長甲賀百人組是也佐野綱

正巖間兵庫深尾清十郎石部小一郎守松丸駒井猪之助

直方據佐佐木系圖江州山徒月性院秀國子初仕武田信玄有勇名武田氏滅仕麾下守治部郭城

兵僅二千餘人諸書或云一千八百人今從關原記大全兵庫清十郎及直方皆

關東代管也石卯餘史松榮紀事守禦將士諸書有石田三

成來勞諸將分兵三千授其臣高野越中大山伯耆曰城兵

決死出鬪則其鋒難當須以此兵橫擊之指揮方定自率五

百往大阪高野越中大山伯耆關原合戰誌作川後軍鍋瀨左馬助檜原彦右衛門今從關原記大全

鳥勝茂來代前軍松平家忠乘其間開門突戰越中伯耆橫

擊之家忠戰不利收兵還敵欲直進入城家忠闔城門敵發

火箭大銃日夜來攻諸將悉力拒守相持十餘日關原記輝

元三成長盛相議欲歐諸將在關東者妻子入大阪城以為

質遣使細川忠興第請其夫人入城夫人答曰宰相第宅去

城不遠願令妾不移居則幸矣三成等怒十七日遣兵趣之

處守小笠原松齋

石卯餘史係十五日關原合戰誌係十九日今從細川家傳錄關原記大全松齋諸

書作正齋或勝齋今從細川家傳錄本書云初稱少左衛門名秀清河喜多石見稻富伊賀祐

直名據細川家傳錄謝曰忠興東行請姑待之三成不聽急圍之夫

人名松齋石見祐直隔障謂之曰妾託體於丹後宰相不可

入城見辱部兵拒鬪則恐有犯上之罪宜嚴禁之遂伏刃而

死松齋存君臣之禮不敢近夫人之屍取眉尖刀介錯與石

見及金澤助二郎正直火其第皆自殺祐直亡去○石卯餘史關原合

戰誌松榮紀事皆云夫人手殺其所生十歲男子八歲女子

而自裁松齋石見及細川平左衛門等力戰斬敵數輩自投

烈火燔死關原記大全辨其非曰余質之細川家士人不聞

其有二稚子及細川平左衛門者且夫人命正齋石見嚴禁

拒鬪則其為妾明矣細川家傳錄亦無其事大全之說是也

今從之松榮紀事又云松齋置火藥於側火其第夫人骸骨

悉成灰燼此與佐和山城陷土田三成聞之大驚以為拘執

妻子則東行諸將怨我益深由是其事遂寢德川記慶元記關原合戰誌石

卯餘史松榮紀事細川家傳錄○關原記大全合戰誌並曰

稻富伊賀以怯懦不為士人見齒然精於鳥銃下野守忠吉

師之亂平細川忠興欲搜索戮之忠吉懇祈忠興許之伊賀

剃髮號一夢遂以其術鳴于世又按二書及餘史備載黑田

長政加藤清正豐氏嘉明之妻皆謀略精審有處變之才然不關

係神祖之事業故不取

臣按忠興夫人明智日向守光秀之女也及光秀弑逆忠

興出之流落丹後村里後以太閤之命為夫妻如初當其

時諸侯之妻入見側室淀夫人即大忠興夫人恥其父為

逆託事辭之其志操固已可稱矣及大阪奉行逼之入城

首倡死節之大義。晉沈勁死於洛陽之難。以徇邦。君子不以其父充為累。而稱其變凶逆之族為忠義之門。丈夫既難得矣。矧在閨閣之人乎。其恐陷犯上之罪。嚴禁部兵。不得拒鬪。臨難周摯。自處決烈。慷慨赴死。從容就義。可謂兩得之矣。

立花宗茂在筑後柳川城。是日宇喜多秀家毛利輝元徵發書到。宗茂集將校議之。其宰小野和泉曰。內府雖率諸將東征。而上杉佐竹大敵也。克之誠難。曠日持久。東西合擊。則內府雖有智謀。進退失度。不過據管根之險。以保關東耳。天下悉歸秀賴公。蕩定關東。在掌握中。宜亟赴大阪。以稟大老奉

行之命。衆皆善之。立花參河增時入道賢賀曰。

名增時。據立花飛驒守清

直儒臣安東守經所書

吾聞智將勝於無形。諸君所論。皆形迹也。內府

長於兵略。能料未然。馬首未東。必知關西有事。然則棄上杉佐竹。而與勇敢諸將還軍西上。大老奉行。雖假秀賴公之命。發號施令。而其志不一。戰必不利。黑田如水加藤清正。與三成行長積不相能。必當左袒內府。不如據守府城。與如水清正協謀。定征討之議。則國家可以久安。宗茂曰。汝曹盡忠畫謀。各有其理。然我浴太閤之恩。且與輝元有舊。不論成敗。唯視義所當為者。今得輝元之指揮。竭力戎馬。以翊戴秀賴公。是我志也。議定。遂將其兵二千五百發柳川。赴大阪。

關原記大全舉

一說曰宗茂聞關西繹騷問其去就衆議不一宗茂曰秀賴

公幼弱內府代之為政宜屬內府以勵戰功乃以其臣山田

正兵衛為使輸款神祖既而秀家輝元書到專以朝戴秀賴

為名故宗茂變志赴大阪按下文十月宗茂與如水清正講

和據宗茂答清正之言宗茂素歸心于十九日世子發江戶

大阪明矣故今從大全正文不取一說

城其兄結城少將秀康弟下野守忠吉蒲生秀行并伊直政

本多忠勝松平飛驒守忠政諸書作忠隆按忠隆忠政子據

寬永九年二十五年卒以慶長

十三年生為父忠政明矣又按創業記松榮紀事忠

政初為飛驒守十四年改稱攝津守今據此訂之其弟忠

明森忠政真田信幸石川康長仙石越前守秀久初稱權兵衛事秀吉

公日根野德太郎高吉後任筑前守成田左衛門尉氏憲皆川廣

照山川民部多賀谷左近水谷左京大夫勝俊等從焉勝俊伊勢

守治持子據關原記大全民部

左近勝俊皆秀康卿部將也總六萬九千三百六十人關原

記大全作三萬九千三百人關原合戰誌三萬七千五百人

關原軍記三萬九千二百七十人今從奧州軍記德川記石

卯餘史松榮紀事至于宇都宮諸書日關堀尾

軍至古河栗橋創業記石卯餘史關原合戰誌細川家

吉晴奉神祖之命出濱松城將往越前守府城是日行至參

州山中諸書無日創業記考異水野系圖並云十九日夜加

濱松十九日遇變二十日途遇石田三成之黨加賀井彌八

郎重望武家盛衰記作秀望未知孰是濃州猪鼻城主彌

公秀吉重望給之曰吾欲赴東國效力行間吉晴曰子與三成

懇款內府必不之信刈屋城主水野和泉守今日來會池鯉

鮒驛不如憑和泉守以為先容重望喜從吉晴至池鯉鮒驛



○永井直清本慶長記慶長一統記並曰吉晴途中偶逢木  
 村彌一右衛門後逢加賀井重望彌一右衛門向東而行重  
 望謂吉晴曰足下今欲何適曰欲赴越府重望曰我鄉幸有  
 通越府之道我今欲往東國效忠內府然使足下途中無虞  
 輒入越府則雖不赴東國其忠相同我欲導足下可哉吉晴  
 曰甚善乃相伴至池鯉鮒驛關原記大全曰吉晴行至三州  
 二川遇彌一右衛門至山中遇彌一郎給曰云云先臣佐佐  
 宗傳曰聞之水野氏家士相傳非池鯉鮒驛而羊川也水野  
 系圖亦作池鯉鮒曰忠重遭變忠重饗之相得甚歡及昏重  
 時年六十故今定為池鯉鮒驛望忽起座拔刀擊殺忠重吉晴急持重望刺殺之事起倉猝  
 燭滅無所辨別忠重之臣意吉晴殺之入坐亂斫吉晴被七  
 創唯近臣鈴木與八郎明知重望之所為○關原合戰誌曰  
 忠重侍童竹本左  
 門年十三在側審知重望之所為今從關  
 原記大全慶元記石卯餘史慶長一統記忠重氣息纔屬謂  
 與八郎曰堀尾救我慎勿傷乃扶吉晴歸旅寓治創忠重之

臣在外者不知其故爭集團旅寓將攻吉晴與八郎奔至告  
 忠重之言衆解去然莫知其所由檢重望頸上所挂錦囊得  
 秀賴印章有書曰得殺內府則功居最其次則殺井伊本多  
 水野等帥一人則封郡國以醕其功於是方知三成之所使  
 而其為刺客也德川記關原記大全石卯餘  
 史關原合戰誌松榮紀事細川玄旨在丹  
 後田邊城長子忠興次子興元嫡孫忠隆皆從東征玄旨聞  
 三成之黨來攻謂其臣曰州兵多屬忠興父子東行見兵甚  
 寡不如棄宮津久美峰山三城據一城專力以拒之據關原  
 記大全  
 宮津城舊忠興所居此時忠興為豐後木築城主久美城忠  
 隆所居峰山城興元所居三將皆從東征故三城無主石卯  
 餘史曰玄旨居宮津城興元居田邊城及小野木  
 公鄉來攻玄旨出宮津入田邊非也今從大全乃與第三

子僧妙庵嬰城固守。家忠日記、德川記、石卯餘史、三刀谷監

物孝和率宗族部兵五百餘人入援。關原合戰誌、妙庵號福壽院、關原合戰

全文書纂、孝和彈正忠久、扶子世領、雲州三刀谷邑、久扶死、

孝和尚幼、依安國寺惠瓊、朝鮮之役、從毛利輝元、有戰功、輝

元不錄其功、流寓京師、玄旨善遇之、故率兵入城、亂平、忠興

招之、豐後給一萬石、孝和以為薦我神祖、以列麾下、故稱病

不出、與龜井武藏守茲矩、二十日、敵將小野木縫殿助公鄉、

有舊去而之、因幡依茲矩、諸國城主記、松榮紀、事作重勝、蓋初名也、今從關原

合戰誌、石卯餘史、細川家傳錄及公卿手書花押、石川備

後守谷衡好、藤懸永勝、小出吉政、生駒左近、正俊。雅樂頭近

守一正子、襲稱讚岐守、山崎左馬允家盛、別所豐後守、杉原伯耆守、長

房。七郎左衛門家次、子、初稱小平次、齋村左兵衛則繼等、諸書無則繼、今據

自殺補之、齋村左兵衛即赤松左兵衛也、詳注於十一月、帥步騎一萬五千餘來攻、玄旨

能以寡兵拒之。孝和驍勇，屢與敵兵戰却之。德川記、慶元記、

合戰誌、松榮紀、事、關原記、大全、無石川備後守、谷衡好、藤

懸永勝、別所豐後守、而有織田上野介信包、川勝右兵衛尉、

山名主殿頭、毛利勘八、與此異、今從細川家傳錄、家盛、池田輝政之妹夫、而輝政夫

人神祖之女也。輝政從東征，而夫人留在大阪第。家盛欲脫

夫人以為歸款之效，密與輝政處守之臣謀，稱夫人有病，家

盛抵增田長盛之第，說曰：吉田侍從之妻，久卧床蓐，醫言憂

鬱成疾，願留二子於大阪，遣妻吾采邑三田，任意逍遙，浴有

馬溫泉以治之。長盛與毛利輝元議許之，曰：留二子於大阪，

則如所請。家盛喜，乘夫人及保姆於二輿，潛置二子於其側，

送之三田。與諸將攻田邊城，遣健步於關東，報曰：家盛以計

取吉田侍從之夫人及二子。欲入田邊城與幽齋同守。而恐敵奪。夫人及二子。故不得已。與諸將同攻城。神祖聞而嘉之。

關原記 二十一日。神祖發江戶城。松平康元為留守。石川家

成副之。石卯餘史家成 板倉四郎右衛門勝重監街市。勝重

衛門好重第二 伊奈忠次監郡縣。二十四日。至下野小山池。

鯉鮒之變。水野忠重之臣。不究其實。遽遣健步。告堀尾吉晴。

殺忠重。吉晴子忠氏。在宇都宮之營。世子近臣皆請禁忠氏。

世子曰。吾熟知信濃守之為人。縱帶刀為不義。信濃守絕無

阿黨之嫌。吾保其無他。健步繼至。告加賀井重望之所為。其

事始暴白。人皆服世子之明斷矣。松榮紀事曰。神祖聞池鯉鮒之變。遣使宇都宮。使世

子幽忠氏。世子對曰。云云。石卯餘史曰。神祖使池田輝政。幽忠氏。皆非。今從關原記。大全。 神祖召忠氏。褒

吉晴之功。以水野勝成為川屋城主。賜書忠重舊臣。諭以為

嗣拊循將士。慶長記。德川記。關原合戰誌。松榮紀事。○四家

成殺其子。石卯餘史曰。彌八郎之子。匿濃州。亂平。有人捕之。獻神祖。賜之勝成。勝成殺之。據關原記。大全。重望之子。在大

垣城。西尾吉次。諭福原直孝。出之。二說雖異。其要相同。故不取。 臣按。建久初。大河二郎兼任擾亂奧羽。由利忠八維平戰

死。葛西三郎清重遣健步二人。告急鎌倉。一人病留于路。

一人至鎌倉。曰。小鹿島橋次公業戰死。由利忠八遁去。源

賴朝聞之。曰。健步語謬。此必維平授首。公業亡跡也。吾以

其平生料之。審矣。翊日。健步病瘳而至。果如其言。夫台廟

守文之君將略遠出賴朝之上。而其料堀尾忠氏之無貳。英斷卓識。適有相類。而忠氏忠良勤恪。亦有足以取信乎上也。

其夜鳥居元忠松平家忠報至。告石田三成圍伏見城。神祖遣使宇都宮告世子。召諸將問其方略。曰。關西大亂。進討景勝與班師。勦三成。二者宜孰先。本多正信曰。諸將從駕東征。妻孥悉在大坂。豈不念之。宜慰勞諸將。各還采邑。以安其意。使勲舊之臣固守宮根之險。以挫來銳。井伊直政曰。天與弗取。反受其咎。宜速進大旆於畿內。混一四海。○關原軍記石根之險。為酒井忠次之語。下載井伊直政之言曰。守宮根關誠為良策。然遠參二州。祖宗以來所有之國。不可使敵侵掠。

此二州宜建台旆於駿府。秀忠公屯濱松。忠吉公屯岡崎。本多中務。神原式部。與臣三人屯吉田。敵來清洲。攻福島。正則則臣等出自吉田。擊之。來岡崎。則正則邀擊之。其餘諸將見幾而進。則西軍雖衆。必摧破之矣。神祖聞之曰。汝言誠善。然西上為多算矣。關原合戰。誌亦載此說。按忠次慶長元年卒。頗失事實。今從松榮紀事。然直政之言。非無所見。故附備一說。二十五日。神祖召世子秀康及前軍諸將於小山之營。謂諸將曰。三成通謀於景勝。關西大亂。縱諸將明知三成之姦謀。而託名於擁護秀賴。則難違其意。且諸將妻子皆在大坂。雖身在此。而心必在彼。欲黨三成者。宜速西歸。吾毫無所憾矣。諸將未對。福島正則進曰。今受三成之指揮。敵於閣下。正則甚恥之矣。事嗣君而無他腸。則神明鑒之。請為閣下之前驅。勦絕兇徒。石卯餘史曰。正則進曰。征伐兇徒之後。當如何處置嗣君。神祖曰。吾無怨於秀賴。唯欲攘斥姦

究以正綱紀耳。正則曰然則趣駕以西征。願屬麾下。以盡忠。今從關原記大全。○餘史小山軍議後。又載神祖還江戶議。征討正則忠興等。應對之言。按大謀定於。黑田長政曰。吾輩

皆棄妻子於大阪。屬麾下。以從東征。今豈變其志而與兇徒。乎。宜輟討景勝。以勦關西之敵。細川忠興加藤嘉明贊成其

謀。神祖悅。饗諸將。石卯餘史關原合戰誌松榮紀事使山岡道阿彌岡江雪問

諸將曰。今前後受敵。宜孰先討。皆曰。宜先關西。神祖益悅。出

見諸將曰。然則正則輝政為魁首。諸將相繼而發。入正則所

守清洲城。以待我到。關原記大全使森忠政速歸信州川中島。以

備景勝之黨與。細川家傳錄處分既畢。山内一豐進曰。下官所居

懸川城。為海道之要衝。糧食亦足。請獻之以屯大兵。神祖善

之。由是海道諸將爭獻其城。以安神祖之意。家忠日記關原記大全○關原

合戰誌曰。山内一豐與堀尾忠氏友善。每事謀於忠氏。及被

召謂忠氏曰。今日之事。當有何策。以應顧問。忠氏曰。吾欲獻

濱松城。以安公意。一豐然之。入請獻其城。以為首謀。神祖果

悅。他日忠氏談其事。笑曰。對馬守因人成事。使吾不得復有

所言矣。松榮紀事為一豐忠氏同時發言。大神祖謂德永法

全亦云。一豐謀於忠氏而先言之。今從二書。神祖謂德永法

印壽昌曰。子在美濃。能諳地形。且老於戎事。宜策勝敗何如。

對曰。鎮西中國諸將。皆黨三成。以興戎馬。天下安危。在此一

舉。安藝輝元。備前秀家。筑前秀秋。皆大敵也。岐阜中納言雖

土地不廣。而矜其門地。妄自尊大。岐阜中納言秀信信長公

此四人者。官爵相埒。互爭威望。每不相下。其肯俛首聽三成

之號令乎。宜命將帥。備景勝。星夜西馳。以摧其鋒。神祖曰。誠

如所料。凡軍之勝敗。在大將一人。我雖非其器。而歷算關西諸將。未見可與我爭雌雄者。五旬內外。必能掃蕩群兇。歸於一統。宜各勵戰功。以副其志。乃賜驪馬於正則。騮馬於壽昌。

關原記大全

石卯餘史 議既定。諸將皆獻誓書。本多正信掌其事。

關原記大

全關原合戰誌

關原外記 諸將各歸江戶。納任子於大城。慶長記關原記大

記 神祖定行軍之列。福島正則。細川忠興。黑田長政。德永壽昌。金森素玄。筒井定次。富田知治。稻葉道通。分部光嘉。市橋

長勝。為前軍。井伊直政。本多忠勝。為軍監。池田輝政。淺野幸長。堀尾忠氏。山内一豐。有馬法印。其子豐氏。中村一榮。一柳直盛。西尾吉次。九鬼守隆。水野勝成。為後繼。秋田實季亦在

征西之列。請曰。奉命將西行。而賊起管内。其帥號淺利與一。

率黨與數百人。寇湊城。賤息忠二郎。

實季第二子。後稱安倍玄蕃。

擊却之。

然殘黨未平。草竊群起。願免從役。以掃蕩之。神祖許之。謂近

臣曰。城介實欲從軍。則擇良臣守城可也。縱寇賊來侵。鄰國

諸將來救。可以萬全。吾觀其意。此必通謀景勝。以持兩端。今

督責之。彼當無辭避役。然懷貳之人。終不足恃。不如使之從

其志也。亂平。削封。其源起于此。

關原記大全

神祖命結城少將秀

康。據宇都宮城。以防景勝。秀康固請從駕。神祖面諭之曰。汝

年壯氣銳。唯知從軍之可喜。而不知留寄之任重。我軍將士

妻子。多為質在江戶城。聞汝在此。則將士皆安其心。無復東

顧之慮而專用力於戰陣矣。况景勝彊對也。聞吾西上。彼必

進軍。能摧其鋒者。非汝而誰。因授其方略曰。景勝入寇。進至

利根川。則可交鋒決雌雄。不然切勿與戰。秀康乃奉命。年附尾

石卯餘史並曰。神祖聞三成反。集將佐議之。本多正信請名

秀康。卿諮之。神祖召問。去就。秀康曰。方今東西煽起。搗其

輕重。西重東輕。大人宜星夜西馳。以討三成。與州之任。兒能

當之。命伊達政宗塞信。夫只堀久太郎據津川口。兒屯宇都

宮。以扼景勝進軍之路。請大人勿復憂矣。正信稱贊。以為良

策。至於感泣。與之大異。按秀康。卿勇銳剽悍。必不發此老成

持重之言。今從創業記。關原合戰。誌松榮紀事。○按延元二

年八月。與州國司源顯家起兵。赴難。鎌倉管領足利義詮率

兵八萬。拒之於利根川。神祖成算。蓋亦有所根據也。

乃命世子付宇都宮於秀康。直將

本軍。出上野信濃。以會戰所。赦土方雄久。大野治長。召還之。

以雄久與前田利勝為親眷。遣之加賀。諭利勝罷攻會津。勦

北國之敵。以會大軍於關西。家忠日記。德川記。關原記。大

全。石卯餘史。關原合戰誌。木

曾義就之士。馬場半左衛門昌次。山村甚兵衛。千村平右衛

門。從軍小山。神祖召三士曰。木曾郡吏石河備前守。黨于三

成。汝等可速歸。木曾討平之。三士奉命赴木曾。神祖賜書木

曾。群士安輯之。石河光吉雖與兇徒。而心持兩端。不收木曾

士人之質。故易安輯。亂平後。光吉得以此免誅。家忠日記。關

原合戰誌。石卯餘史。松榮紀事。脇阪安治雖歸款。神祖勢不得已。黨于叛徒。

故使其子安元從東征。道路梗塞。不得往。告狀于山岡道阿

彌而還。大阪神祖賜書慰撫之。又遣使肥後。賜書加藤清正。

委以鎮西軍事。清正集將佐議之。僉曰。大坂以西。皆黨于三

成獨守孤城。後無援兵。願熟圖之。清正曰。朝鮮之役。小西行長。妬吾功。與三成朋比。讒我於太閤。禍幾不測。幸太閤英明。知其無罪。再使航海。授以肥後。受方面之任。此太閤莫大之恩。而三成行長之所為。怨徹骨髓。皆汝曹所知也。今擊內府。出於嗣君之意。則我當奔走聽命。嗣君未至十歲。皆三成行長之姦計。欲滅內府而立己威。宿將如我輩。亦次第翦除。陵蔑嗣君而奪兵馬之權。其志瞭然可觀矣。不如左袒於內府。芟夷兇賊。將佐皆稱善。乃對使者奉命。專為戰守之計。石卯餘史

○毛利家記松榮紀事並曰。清正在熊本城。遣其臣桑山某於大阪。謂毛利輝元曰。聞三成與內府構兵。足下亦黨于三成。成若以大和國予我。則當將兵至大阪。為東征之前驅。與內府決勝負。然則福島黑田亦當與吾同志。輝元報曰。大和增

田長盛所領。不得私授之。子蒙太閤之厚恩。先來京師。為嗣君勵戰功。則賞如所請。清正不喜。乃決意屬神祖。按清正深怨三成。素歸心於神祖。不應以大和本願寺門主光昭與庶

兄光壽。為訊神祖東征。行至尾張。石田三成遣使固要之。光

昭歸大阪。先是光壽以庶長子。為本願寺門主。其父光佐嫡

妻生光昭。有姿色。光佐死。關白秀吉嬖之。遂使光壽避位。以

光昭為門主。故光壽失勢。孤立。僅領其父退隱之舊利。光佐號顯

如上人。光壽教如上。至是獨往關東輸款。神祖嘉之。約亂平

則別為門主。先使參河。以東淨土真宗佛寺隸之。其後本願

寺分為東西二寺。所謂東本願寺是也。關原記大全。關原合戰誌。○諸家傳曰。本

願寺顯如。據大阪城。拒織田信長。長子教如有策略。屢因信

長奉教。講和顯如入雜賀道場。授本願寺於季子。准如而寂。



教如憤之建一寺於東鄰而居一宗分為二寺時人稱之東西本願寺

豐臣秀秋遣使小山行

營就山岡道阿彌岡江雪謝曰攻伏見城本非吾志督責無

所逃避從衆攻圍請蒞會戰之日倒戈以贖其罪神祖許之

關原記先是島津惟新亦上書神祖明其無異志石田三成

固要之惟新不得已黨于反徒黑田長政知其情曉諭使歸

順三成聞之急促之惟新不能辭遂決志屬三成關原合戰誌慶元記

松榮紀事二十七日神祖遣伊奈圖書於奧州授伊達政宗以方

略守巖手澤城今更稱仙臺堅陣持重勿與戰以老景勝之師關原

合戰誌石卯餘史先是政宗在大阪至西城謁神祖曰下官常恐上

杉景勝乘間侵掠管内願先閣下東歸以為守備之計神祖

察其託言守禦欲取會津之地戒之曰景勝大敵也彼若出

兵則當應之不可自我擾彼政宗曰不乘此時取敵地則終

不得作大家神祖笑曰英雄本色自露矣慎勿輕舉以取敗

也政宗悅還巖手澤景勝別將甘糟備後守白石城謀告備

後喪妻還會津政宗將兵攻白石城濱田治部中目大學山

川帶刀事跡注于十九年木村隼人先登備後弟彌三郎固守不下

隼人中鉛死城中有內應者引政宗之兵入城城遂陷政宗

使濱田治部守城與叔父成實妻父田村右京清秋議進取

攻景勝別將本莊重長所守福島城聲言將攻梁川城重長

遣岡左内後稱越後富田將監為隊將率粟生美濃齋道仁美濃初稱

寺村半左衛門道仁稱小田切所左衛門仕麾下長秋之役有戰功有故去仕景勝後稱伊豆北川圖書布

施二郎右衛門安田勘助外池甚五左衛門町野主水等援

梁川城。關原記大全曰左內圖書甚五左衛門主水蒲生氏鄉之士秀行滅封皆為僑人景勝移封會津召為

已政宗將兵二萬越國見嶺至信夫分五千備梁川城兵又

分一萬五千為三隊政宗成實清秋各將一軍梁川援兵黎

明發福島至瀨上政宗進向福島隔松川而陣岡左內欲涉

川而戰栗生美濃爭為不可左內不聽涉水而陣從兵皆涉

政宗急進擊之敵兵敗走政宗之兵斬北川圖書布施二郎

右衛門安田勘助政宗與左內鬪于川中截左內所著猩猩

氈二甲堅不傷美濃橫馳衝之政宗回馬左內擊中整簾政

宗勇氣不撓麾兵進薄城門本莊重長自後門出兵將橫斷

之政宗收兵而退敵將梁川城主隅田大炊欲擊政宗所備

之兵使巖井勒負筑地修理及佐竹義宣之援兵車丹波等

渡名取川擊破之獲政宗之輜重奪其戎幕。關原記大全曰巖井勒負之

部兵西村千右衛門獲政宗之紋竹雀之幕亂平政宗遣使

景勝請以白石城易幕景勝不聽曰白石城以卿武力所取

幕我兵竭力所得宜各存其功因謂其下曰旌旗帷幕為敵

所奪古今武將之所恥故政宗欲易之而我不之許也他年

景勝每旅行必施被幕於賤卒郵舍以矜其功政宗前鋒欲回軍而戰敵兵引入梁

川城政宗不至福島陣于駿河見河上本莊重長出屯于信

夫山與政宗相對一夜翊日政宗撤兵還。關原記大全關原合戰誌石卯餘史

○據大全七月九日政宗自大阪還巖手澤間一日十一日

出兵十三日圍白石城二十六日戰于松川二十七日引軍

烈組成績 卷十 三十三

還合戰誌日辰有異同今謀復發兵攻福島城至是奉神祖  
欲事實接續故不係日關原合戰誌安濃津城主富田

之命守巖手澤城不復出兵石卯餘史知治在小山營神祖謂之曰自古東西鏖戰多在濃州青野

原按天武天皇與近江兵大戰于青野原延元二年源顯

家與敵將上杉民部大輔憲顯戰于青野原故神祖之言此如我當一戰破之直進京畿然勢州海路不通則行軍京畿

甚難宜歸本州攘斥海寇知治奉命與松阪城主古田重恒

巖手城主稻葉道通上野城主分部光嘉此非伊賀上野伊勢上野也出

小山知治之臣疋田助右衛門為迎知治泛戰艦十四五艘

過乙部浦先是宇喜多秀家毛利輝元使九鬼嘉隆與紀州

新宮城主堀内安房守據鳥羽城淡州巖屋城主管平右衛

門與嘉隆率舟師扼海路嘉隆遇助右衛門之船鉤之與戰

嘉隆之臣九鬼兵部與助右衛門相搏共沈于海知治之兵

戰死二十四人知治重恒道通光嘉乘間得過各歸其城為

拒守之計德川記關原合戰誌並云嘉隆鉤知治之船欲擊

討内府故潛出小山還國嘉隆信之縱之而去關原記大全

辨之曰嘉隆專為大阪盡力攻剽不顧其子守隆在關東豈

能存舊友之義乎特受秀家輝元之命光嘉歸上野城以其

攻剽耳其說是也今從大全及慶元記家忠日記德川記石卯

地難守棄城來安濃津與知治同守餘史關原合戰誌松榮

事紀真田昌幸及長子信幸次子信仍從駕東征至上野犬伏

邑石田三成大谷吉隆遺書昌幸啗以大利引為己黨昌幸

遣使前軍召還信幸諭以叛去信幸曰大人素浴太閤之恩

今屬內府。則世或有議之者。左衛門佐大谷刑部之女婿。而親戚在關西。宜與彼還上田。以察機變。兒蒙內府之眷顧。且與本多中務為姻戚。願蒙寬容。以屬內府。信仍固爭。以為不可。語頗侵信幸。信幸怒。將手刃之。昌幸和解之。使各從其志。昌幸信仍自犬伏引軍還。黨于叛徒。信幸還宇都宮之營。關原就本多正信。白其事於神祖及世子。世子遇之如初。神祖賜書信幸。獎其忠純。給昌幸所領小縣郡。昌幸還自犬伏。夜過沼田城。遣使欲入城。信幸之妻本多忠勝之女也。辭曰。良人于役。今不同歸。此必有故。中夜不得開門。不內。昌幸無如之何。又遣使曰。孫男生三歲。吾欲見之。可送出城外。妻曰。

察公之意。非欲抱孫。殆將挾以為質也。妾不敢聞命。慶長軍記曰。夫

人遣其子於昌幸陣中。使見之。其說蓋非。今從下諸書。因命士卒登陣。張旗幟。列弓銃。

為拒守之勢。昌幸望見之。曰。真吾媳婦也。遂與信仍去而歸。

上田城為守禦之計。德川記。關原記。大全。石卯餘史。關原合戰誌。松榮紀事。賜書及小縣郡據古簡

雜纂

臣按。真田昌幸之設心。甚於孟門太行之險。父子既不相保。豈能存乎祖孫哉。信幸夫人能折其謀。故使信幸不失城壘。可謂女丈夫矣。及信幸從台廟征上田。夫人以為父子構嫌隙。兄弟為仇讐。兵念室家。則戰必不勗。乃謂保母曰。良人不在。無以慰岑寂。須使將士之妻子來此。妾與彼

曹共叙處守之情。出告之。妻皆喜。各攜其子入城起居。夫  
 人接遇款曲。留之不遣。其實以為質也。由是士心純壹。得  
 以無返顧之心。而用力攻上田城。其機警過人如此。宜乎  
 不墮昌幸之計也。世傳昌幸不愛長子而愛少子。遂至父  
 子殊歸。然方其在犬伏。議去就。昌幸不彊留信幸。使之各  
 行其志。而信幸終能建功策勳。得贖父罪。以傳茅土於子  
 孫。亦可謂既忠且孝矣。

福島正賴還自小山。守長島城。神祖以其兵寡。使山岡道阿  
 彌援之。敵將原隱岐守據大田城。以窺長島城。正賴堅守拒  
 之。家忠日記九鬼嘉隆既與稻葉道通構難。乘其子守隆在小山。

據鳥羽城。寇剽沿海。道通還自小山。率兵攻之。嘉隆據險拒

之道。通敗還。嘉隆攻巖手城。道通堅守。嘉隆聞分部光嘉來

援引兵還。德川記。關原合戰誌。石卯餘史。○餘史曰。神祖以

大怒。謂守隆曰。吾欲汝父子同心。盡忠於吾。而何意大隅守  
 兇逆如此。罪不容誅。然吾猶忍之。汝須歸藩諫父。若不從諫。  
 宜與父共反。吾不復懟汝也。守隆拜命曰。下官聊有所志。證  
 以他日。遂從池田輝政出小山。按守隆與諸將出小山。還江  
 戶。又與諸將發江戶。赴吉田。嘉隆道通爭戰之事。未能達小  
 山。無神祖面命之理。或守隆發江戶之後。神祖遣使命之乎。  
 未詳。附  
 以備考。神祖使奧平貞治召黑田長政。貞治及之於武州厚

木。長政還至小山之營。神祖議軍事。謂之曰。福島正則心術  
 叵測。對曰。左衛門大夫雅歸心於閣下。且與三成有隙。敢保  
 其無佗。若有前却。宜苦諫之。請勿為慮。神祖悅。手賜首鎧。臨

發又賜鞍馬。開原記田中吉政以其子長顯為質。將納大城。長顯憾其不得從征西。率部兵可三十人出江戶。吉政大驚。遣使池田輝政留之。輝政不知長顯之向背何如。急馳使于吉田。使處守之臣竹村彦右衛門邀留之。彦右衛門聞長顯將過本阪。使邑民多齎紙旗建之本阪嶺上。往山下迎之。長顯欲強過。望見紙旗。以為不能過。請過牛窪。俟命自殺。彦右衛門不聽。使之入吉田城。問答之間。輝政之使又至。報曰。長顯心迹無他。宜聽其過。於是長顯得過本阪。入岡崎城。關原全。○本書曰。七月晦黎明。長顯出江戶。按此時吉政輝政未發江戶。蓋長顯先一日發江戶。吉政又後輝政而發。故遣使止之。生駒一正。蜂須賀至鎮。當與諸將征西。神祖聞一正之也。

父近世。至鎮之父家政。黨于石田三成。留之不遣。近世家政遣使謝二人。不得已被驅使。實無叛心。神祖聞之。許一正至鎮從軍。以戶川達安。宇喜多孝親為宇喜多秀家之舊臣。神祖疑之不遣。二人固請效力。亦許之。於是孝親更稱阪崎出羽守。一正至鎮。達安孝親。小出吉政。寺澤廣高。龜井茲矩。皆獻誓書從軍。納質小田原城。九鬼守隆與諸將發江戶。至吉田。將取海路還鳥羽。其父嘉隆拒之不內。守隆遣使謂嘉隆曰。內府聞大人黨于反徒。使兒同反。以從大人之志。然兒不欲黨于三成。擾亂天下。固欲竭力於內府。故在小山。同諸將進誓書。今為討平兇徒來此。不敢觸冒大人。願大人改圖服。

從內府。則幸孰甚焉。嘉隆曰。汝既納質與誓書。宜盡忠於內府。吾亦不忍殺汝。若汝妄發兵攻城。則當與堀內安房守悉力拒戰。與其隕命鋒鏑。不如屯兵以觀時勢。守隆不得已。修築畔乘舊壘據之。○諸書畔乘作畔桑。今據關原記大全訂之。管平右衛門冠尾張參河海邊將。還伊勢浦。守隆以舟師逆戰破之。奪敵船三艘。平右衛門敗還。守隆遣使告之神祖。關原記大全。此非是。日之事據守隆與諸將發江戶。欲其事實接續。故係于此。○大全舉一說曰。氏家內膳正自桑名出舟師戰于畔乘海上。守隆破之。奪船三艘。若以秀家之命出師乎。真偽未詳。大阪敵將合圍攻伏見城。自十五日至。是日不能拔。晦。長束正家之兵浮貝藤助。○關原合戰誌。浮貝作鶺鴒。國音相近。今從關原記大受宇喜多秀家之命。射箭飛書於深尾清十郎。全松榮紀事。

之營。告永原甲賀士卒曰。汝曹固守不降。則長束大藏大輔欲捕汝妻孥。礮諸水口。若為內應焚城。則不啻活汝妻孥亦重賞之。甲賀之兵見之大驚。永原十內山口宗助等同族四十餘人。刻期縱火為內應。島津惟新進兵逼城。島居元忠開門出戰。惟新敗走。敵恃內應。入夜又來攻城。兵拒戰。夜參半。松丸火起。浮貝藤助應期入城。豐臣秀秋率大軍繼進。城中火熾。創業記。家忠日記。關原記大全。石卯餘史。關原合戰誌。關原軍記。慶元記。松榮紀事。

松井甲太郎書

烈祖成績卷之十終

烈祖成績

卷十





